

BASES REGULADORAS DA UTILIZACIÓN DOS CUPÓNS DE DESCONTO NO PROGRAMA AMARIBEIRA 2022 PARA USO EXCLUSIVO NO MARKETPLACE WWW.RIBEIRASTORE.COM, DENTRO DO PLAN DE MEDIDAS REACTIVA RIBEIRA.

Artigo 1. Convocatoria e bases reguladoras

A presente convocatoria ten por obxecto aprobar as bases reguladoras dos Cupóns de Desconto AMARIBEIRA para o exercicio 2022, para uso exclusivo no Marketplace www.ribeirastore.com dentro do Plan de Medidas Reactiva Ribeira, e dirixidas a propiciar a transformación dixital dos comercios locais de Ribeira, dando maior visibilidade aos comercios online, incrementando as súas vendas e fortalecendo dito sector, isto provocará unha estimulación da demanda e unha redución do impacto económico negativo derivado do cesamento e das restricións da actividade comercial e hostaleira, como consecuencia da crise sanitaria ocasionada pola COVID-19.

Artigo 2. Obxectivos

O obxectivo do programa é fortalecer o sector comercial local e propiciar a transformación dixital dos comercios locais, estimulando a demanda e reducindo o impacto económico negativo derivado do cesamento e das restricións da actividade comercial, como consecuencia da crise sanitaria ocasionada pola COVID-19, a través dos Cupóns de Desconto “AMARIBEIRA” 2022, para uso exclusivo no Marketplace www.ribeirastore.com.

Artigo 3. Orzamento

Para a concesión destas axudas destinaranse 15.000,00 € dispoñibles no orzamento en vigor para o 2022 co seguinte desglose:

Aplicación	Importe
231C 472.01	15.000,00 €

Esta cantidade poderase incrementar en función da evolución do programa de Cupóns de Desconto AMARIBEIRA co obxecto de aumentar o número de persoas beneficiarias e de acordo coa dispoñibilidade de crédito, cando o aumento veña derivado dunha xeración, ampliación ou incorporación de crédito, ou da existencia de importes sobrantes doutras convocatorias financiadas con cargo ao mesmo crédito ou a créditos incluídos no mesmo programa ou en programas similares.

O aumento do crédito quedará condicionado á declaración de dispoñibilidade do crédito como consecuencia das circunstancias antes sinaladas e, se é o caso, logo da aprobación da



modificación orzamentaria que proceda.

Artigo 4. Actividade subvencionable e principios aplicables

Polas presentes bases promócióname a venda de bens, consumicións ou prestación de servizos a través dos Cupóns de Desconto AMARIBEIRA que poderán ser utilizados exclusivamente nos establecementos e actividades comerciais e hostaleiras que estean adheridos ao Marketplace www.ribeirastore.com.

A xestión dos fondos públicos asignados ao programa Cupóns de Desconto AMARIBEIRA levarase a cabo de acordo cos seguintes principios:

- a) Publicidade, transparencia, obxectividade, igualdade e non discriminación.
- b) Eficacia no cumprimento dos obxectivos fixados pola Administración outorgante.
- c) Eficiencia na asignación e utilización dos recursos públicos.

Artigo 5. Persoas beneficiarias e usuarias dos Cupóns de Desconto AMARIBEIRA

As persoas beneficiarias serán os operadores económicos (persoas físicas ou xurídicas) dos sectores adheridos ao Marketplace www.ribeirastore.com segundo os requirimentos descritos nas bases da convocatoria destas axudas.

As persoas usuarias dos Cupóns de Desconto AMARIBEIRA serán as persoas físicas maiores de idade e residentes no municipio, parte activa, fundamental e imprescindible para levar a cabo esta campaña de dinamización e reactivación económica destes sectores produtivos de proximidade a través da venda online.

Artigo 6. Alta e requisitos dos establecementos e negocios para a adhesión ao programa

1. Os establecementos e negocios que desexen adherirse ao programa de Cupóns de Desconto AMARIBEIRA 2022 para uso exclusivo no Marketplace www.ribeirastore.com, empregarán dita plataforma para actualizar seus datos no link <https://ribeirastore.com/comercios-de-ribeira> e deberán rexistrar a seguinte información,;

- ▯ IBAN da conta bancaria.
 - ▯ Declaración de estar ao corrente co cumprimento das obrigas coa Axencia estatal de Administración Tributaria (AEAT), coa Seguridade Social, coa Xunta de Galicia e co Concello de Ribeira.
2. O prazo para adherirse ao programa será dende o 7 de novembro de 2022 ata a finalización da execución do programa de Cupóns de Desconto AMARIBEIRA 2022 para uso exclusivo no Marketplace www.ribeirastore.com.
3. Poderán adherirse ao programa de Cupóns de Desconto AMARIBEIRA 2022 para uso exclusivo no Marketplace www.ribeirastore.com todos os establecementos que cumpran,



ademáis, os seguintes requisitos:

- a) Que estén rexistrados no Marketplace www.ribeirastore.com e contén co TPV virtual existente na plataforma como medio de pago.
- b) Que inclúan o IBAN na actualización dos seus datos no rexistro a través do link <https://ribeirastore.com/comercios-de-ribeira>.
- c) Que inclúan a declaración mediante formulario ao efecto, de estar ao corrente co cumprimento das obrigas coa Axencia estatal de Administración Tributaria (AEAT), coa Seguridade Social, coa Xunta de Galicia e co Concello de Ribeira, o cal se acreditará mediante declaración responsable cando non supere o importe das axudas os 3.000,00 €, de conformidade co previsto nos artigos 22 e 24 do Regulamento xeral de subvencións.

Cando o importe das axudas supere esta cantidade, o Concello de Ribeira, exixirá aos operadores económicos certificación acreditativa de estar ao corrente coas indicadas administracións,

4. Quedan expresamente excluídos os entes públicos, as asociacións, fundacións, entidades sen ánimo de lucro, e aquelas empresas que formen parte dun grupo empresarial nos termos regulados no artigo 42 do Código de Comercio. Tampouco poderán participar os operadores económicos que non cumpran coas condicións nin coa forma establecida nesta convocatoria.

5. O alta e o uso da aplicación polos operadores económicos suporá a aceptación das condicións e deberes do programa e da política de privacidade, conforme o Regulamento (UE) 2016/679 do Parlamento Europeo e do Consello, do 27 de abril de 2016, relativo á protección das persoas físicas no que respecta ao tratamento de datos persoais e á libre circulación destes datos e polo que se deroga a Directiva 95/46/CE (Regulamento xeral de protección de datos), e a Lei orgánica 3/2018, do 5 de decembro, de protección de datos persoais e garantía dos dereitos dixitais, da que será informado convenientemente.

Para estes efectos, os operadores económicos deberán asinar dixitalmente unha declaración responsable manifestando o cumprimento das condicións establecidas e a veracidade dos datos indicados, así como declarar responsablemente que están ao día do cumprimento das obrigas coa Axencia estatal de Administración Tributaria (AEAT) coa Seguridade Social e co Concello de Ribeira.

6. Cada operador económico poderá darse de alta atendendo a súa actividade económica. Non serán tidas en conta as solicitudes dos operadores que non cumpran cos requisitos establecidos na presente convocatoria.

7. O sistema establecido estará habilitado de tal forma que permita ao Concello de Ribeira bloquear ou dar de baixa altas na aplicación, por causas xustificadas.

8. O nome comercial e localización dos establecementos adheridos ao programa de Cupóns de Desconto AMARIBEIRA 2022 para uso exclusivo no Marketplace www.ribeirastore.com, farase público na web www.ribeirastore.com, habilitada polo Concello de Ribeira.

CSV: 07E6000EC0EB00U3F8S3V5W5Y2



La autenticidad de este documento se puede comprobar con el código 07E6000EC0EB00U3F8S3V5W5Y2 en la Sede Electrónica de la Entidad

FIRMANTE - FECHA

MARIA JOSE SAMPEDRO FERNANDEZ-ALCALDESA EN FUNCIONES - 28/10/2022
serialNumber=S2833002E,CN=Sello de tiempo TS@ - @firma,OU=Secretaría General de Administración Digital,O=Secretaría de Estado de Función Pública,C=ES - 28/10/2022 13:56:34

EXPEDIENTE ::
2022CONV000022

Fecha: 28/10/2022

Hora: 00:00

Und. reg: REGISTRO
GENERAL



Artigo 7. Alta e requisitos das persoas usuarias

1. O Concello de Ribeira habilitará a aplicación informática www.AMARIBEIRA.GAL, para dar de alta ás persoas usuarias dos Cupóns de Desconto AMARIBEIRA 2022 para uso exclusivo no Marketplace www.ribeirastore.com, e identificará respecto de cada un deles a seguinte información:

- Nome e apelidos.
- Localidade de residencia (código postal).
- Maioría de idade.
- DNI.
- Número de teléfono móbil.
- Correo electrónico.

O uso da aplicación www.AMARIBEIRA.gal e a descarga do Cupón de Desconto polo usuario suporá a aceptación das condicións do seu uso e da política de privacidade, conforme o Regulamento (UE) 2016/679 do Parlamento Europeo e do Consello, do 27 de abril de 2016, relativo á protección das persoas físicas no que respecta ao tratamento de datos persoais e á libre circulación destes datos e polo que se deroga a Directiva 95/46/CE (Regulamento xeral de protección de datos), e a Lei orgánica 3/2018, do 5 de decembro, de protección de datos persoais e garantía dos dereitos dixitais, da que será informado convenientemente.

Para estes efectos, por medio dunha declaración responsable o usuario deberá manifestar, baixo a súa responsabilidade, que cumpre cos requisitos establecidos na convocatoria e que os datos indicados son certos. Así mesmo, deberán constar as autorizacións correspondentes en materia de protección de datos persoais nos termos que se establezan na presente convocatoria do programa.

Artigo 8. Sistema de funcionamento dos Cupóns de Desconto AMARIBEIRA 2022

1. A descarga dos Cupóns de Desconto por parte do usuario será a través da web: www.AMARIBEIRA.gal. O Cupón de Desconto terá formato dixital a través dun código e estará dispoñible para a súa utilización exclusivamente no marketplace www.ribeirastore.com, no momento de efectuar o pago da compra, deberá aplicar o Cupón de Desconto na casilla correspondente, e automaticamente o importe a pagar da compra verase reducido polo cupón correspondente.

2. Para trocar os Cupóns de Desconto, e poder facer efectivos os descontos, ás persoas usuarias terán que empregar exclusivamente a plataforma Marketplace www.ribeirastore.com.

3. No momento da transacción deberán quedar rexistrados o importe e concepto da compra, a identificación do Cupón e o importe descontado. De igual xeito, con cada venta ou prestación de servizo, achegarse á aplicación, debidamente habilitada ao efecto, o ticket xerado vinculada a acción de compra realizada, sen prexuízo da obriga dos operadores económicos da garda das facturas ou tickets orixinais para o seu control financeiro ou control por mostraxe.

CSV: 07E6000EC0EB00U3F8S3V5W5Y2



La autenticidad de este documento se puede comprobar con el código 07E6000EC0EB00U3F8S3V5W5Y2 en la Sede Electrónica de la Entidad

FIRMANTE - FECHA

MARIA JOSE SAMPEDRO FERNANDEZ-ALCALDESA EN FUNCIONES - 28/10/2022
serialNumber=S2833002E,CN=Sello de tiempo TS@ - @firma,OU=Secretaría General de Administración Digital,O=Secretaría de Estado de Función Pública,C=ES - 28/10/2022 13:56:34

EXPEDIENTE ::
2022CONV000022

Fecha: 28/10/2022

Hora: 00:00

Und. reg: REGISTRO
GENERAL



O Concello de Ribeira librará aos operadores económicos, ao finalizar o período do programa de Cupóns de Desconto AMARIBEIRA 2022 para uso exclusivo no Marketplace www.ribeirastore.com, o importe dos cupóns trocados, previa comprobación das transaccións realizadas, que quedarán rexistradas no panel de control establecido ao efecto.

Pola súa banda, o usuario deberá introducir o seu Cupón de Desconto na casilla establecida no momento do pago no Marketplace www.ribeirastore.com, e pagar con tarxeta o importe final resultante da compra realizada

Artigo 9. Obrigas dos establecementos e actividades adheridas ao programa

Os operadores económicos adheridos ao programa de Cupóns de Desconto AMARIBEIRA 2022 para uso exclusivo no Marketplace www.ribeirastore.com adquirirán, a través da solicitude de adherencia, as seguintes obrigas:

- a) Cumprir coas medidas de prevención de riscos sanitarios e laborais fronte á COVID-19.
- b) Anunciar no exterior do establecemento, nun lugar visible, a adhesión ao programa mediante a colocación dos correspondentes materiais publicitarios coa imaxe corporativa do programa Cupóns de Desconto AMARIBEIRA 2022 para uso exclusivo no Marketplace www.ribeirastore.com.
- b) Facer o desconto directo do Cupón no ticket emitido no Marketplace www.ribeirastore.com.
- c) Someterse ás actuacións de comprobación e vixilancia necesarias por parte do Concello de Ribeira ou empresas auditoras que se poidan contratar, para verificar o adecuado funcionamento e xestión dos Cupóns e do programa en xeral.
- d) Conservar todos os tickets de compra ou facturas xustificativas da aplicación dos Cupóns, en tanto podan ser obxecto de comprobación e control por parte do Concello de Ribeira ou empresas auditoras que se poidan contratar.
- e) Custodiar con dilixencia as claves de acceso a plataforma www.ribeirastore.com co fin de evitar o seu uso indebido, comprometéndose a non facilitarllas a outras persoas ou establecementos.
- f) Atoparse ao día do cumprimento das obrigas coa Axencia Estatal da Administración Tributaria, Seguridade Social, Xunta de Galicia e co Concello de Ribeira. Ata os primeiros 3.000 € de Cupóns trocados esta circunstancia poderase acreditar mediante declaración responsable.

Cando o importe supere os 3.000 € de Cupóns trocados, deberanse achegar os certificados acreditativos correspondentes, que serán requiridos polo Concello de Ribeira.

Artigo 10. Condicións de uso dos Cupóns

1. Cada persoa beneficiaria disporá de 1 Cupón de desconto cun saldo máximo de 30 euros, que poderá ser usado nos operadores económicos adheridos ao programa, mediante 1, 2 ou 3 compras, a



elixir polo usuario e dependendo do importe total da compra.

O período de validez dos Cupóns axustarase ao período de vixencia do programa de Cupóns de Desconto AMARIBEIRA 2022 previsto, e para uso exclusivo no Marketplace www.ribeirastore.com, dende o día 14 ao día 20 de novembro de 2022, salvo esgotamento previo do seu saldo. Se o Concello decidise ampliar a vixencia do programa dos cupóns máis alá do 20 de novembro, o prazo de execución quedará automaticamente prorrogado no tempo equivalente a esa extensión temporal que se aprobe.

Cada cupón terá a consideración de Cupón de Desconto para as compras, consumos ou servizos nos establecementos ou actividades adheridos, e para uso exclusivo no Marketplace www.ribeirastore.com.

Bono	Destino	Dotación	Desconto
Cupón de Desconto AMARIBEIRA	Comercios e establecementos adheridos ao marketplace www.ribeirastore.com	15.000 euros	Desconto de 10 euros por cada 30 euros de compra, ata un máximo de 30 euros por persoa usuaria.

Todas estas contías enténdense co IVE engadido.

4. A través da plataforma marketplace www.ribeirastore.com, facilitada polo Concello de Ribeira, os operadores económicos adheridos terán á súa disposición a información necesaria e poderán consultar o histórico das vendas, os cupóns xa trocados, os aboamentos feitos polos usuarios/as e os demais detalles de cada operación.

5. En caso de devolución do ben ou bens comprados, o importe da compra poderá ser trocado por outra compra de prezo igual ou superior ou por un vale sen caducidade polo importe correspondente. O comerciante non poderá aboar ao consumidor, en ningún caso, diñeiro en efectivo ou na tarxeta de crédito.

6. Non serán compatibles o emprego dos cupóns con outro tipo de bonos promovidos por outras administracións públicas para as mesmas compras ou servizos.

Artigo 11. Xustificación e inspección

O Concello de Ribeira, como responsable do programa, reserva para si o dereito de realizar a posteriori e de forma aleatoria cantas comprobacións, inspeccións e demais medidas de control xulgue oportunas para asegurar a correcta aplicación dos recursos públicos e para verificar o adecuado desenvolvemento e execución do programa Cupóns de Desconto AMARIBEIRA 2022 para uso exclusivo no Marketplace www.ribeirastore.com.

No suposto de que exista algún incumprimento por parte dos establecementos ou actividades adheridas, a Concellería de Comercio poderá cancelar a súa adhesión ao programa, co fin de impedir o troco e pagamento dos cupóns ou solicitará, se é o caso, o reintegro dos fondos



percibidos.

Os establecementos e actividades adheridos ao programa Cupóns de Desconto AMARIBEIRA 2022 para uso exclusivo no Marketplace www.ribeirastore.com, están obrigados a facilitar tanta información lles sexa requirida pola Concellería de Comercio e os restantes órganos competentes no exercicio das súas funcións de control do destino das axudas.

Artigo 12. Información básica en materia de protección de datos persoais

1. A entidade encargada do tratamento dos datos é ribeirastore.com, propiedade do Concello de Ribeira, tal e como figura no apartado correspondente de dita plataforma, a cal ten encomendada o labor de recollida, rexistro e almacenamento dos datos persoais necesarios para a tramitación dos Cupóns de Desconto AMARIBEIRA 2022, segundo as directrices establecidas polo Concello da Ribeira, e garante expresamente, respecto dos datos de carácter persoal que se traten durante a xestión dos devanditos cupóns:

Que adoptarán as medidas técnicas e organizativas necesarias para garantir a súa conservación e seguridade e evitar a súa alteración, perda, tratamento ou acceso non autorizado.

- ▣ Que non os comunicará a terceiras persoas.
- ▣ Que gardará o secreto profesional respecto destes.
- ▣ Que os utilizará única e exclusivamente para os efectos previstos neste convocatoria.

As obrigas anteriormente citadas non exclúen nin contraveñen os deberes que se citarán como condición de encargado do tratamento.

2. Deber de información ás persoas usuarias do programa Cupóns de Desconto AMARIBEIRA 2022 para uso exclusivo no Marketplace www.ribeirastore.com.

Para os efectos previstos na normativa vixente sobre protección de datos de carácter persoal, o Regulamento (UE) 2016/679 do Parlamento Europeo e de Consello do 27 de abril de 2016 (RGPD) e na Lei Orgánica 3/2018, do 5 de decembro, de Protección de Datos persoais e garantía dos dereitos dixitais, informarase os usuarios e operadores económicos adheridos ao programa de Cupóns de Desconto AMARIBEIRA 2022 nos seguintes termos:

▣ Os datos persoais facilitados serán tratados polo Concello de Ribeira, en calidade de Responsable do Tratamento, co remate de levar a cabo a xestión administrativa para adherirse ao programa de Cupóns de Desconto AMARIBEIRA 2022 mediante a presente declaración responsable.

▣ A base xurídica de lexitimación para o tratamento dos datos persoais radica no exercicio dos poderes públicos ou competencias conferidos e, na relación existente entre os usuarios e o Concello.

▣ Os datos conservaranse durante o tempo necesario para cumprir coa finalidade para a que se solicitaron, e segundo a base xurídica do tratamento dos datos de conformidade coas obrigas legais, así como para determinar as posibles responsabilidades que se puidesen derivar da devandita finalidade e do tratamento dos datos. Con todo, os datos poderán ser conservados, no seu caso, co



fin de arquivo de interese público, remates de investigación científica e histórica ou remates estatísticos.

Os datos non serán cedidos a terceiros, agás que sexan comunicados ás entidades públicas ou privadas, ás cales sexa necesario ou obrigatorio ceder estes para poder xestionar a súa solicitude, así como nos supostos previstos, segundo Lei.

Poderá exercitarse os dereitos de Acceso, Rectificación, Supresión, Limitación ou, no seu caso, Oposición. A estes efectos, deberá presentar un escrito na Oficina de Atención Cidadá sita na planta baixa do Concello, na Praza do Concello, s/n 15960 Ribeira (A Coruña), ou, no seu caso, ao Delegado de Protección de Datos lopdp@ribeira.gal.

No escrito deberase especificar cal destes dereitos solicita sexa satisfeito e, á súa vez, deberá mostrar ou, en caso de envío postal, acompañar a fotocopia do DNI ou documento identificativo equivalente. No caso de que actuase mediante representante, legal ou voluntario, deberá achegar tamén documento que acredite a representación e documento identificativo do mesmo.

Así mesmo, en caso de considerar vulnerados os dereitos á protección de datos persoais, poderase interpoñer unha reclamación ante a Axencia Española de Protección de Datos (www.aepd.es).

3. Encargado do tratamento

O Concello de Ribeira ten a condición de responsable do tratamento de datos persoais.

Artigo 13. Transparencia e bo goberno

Deberá darse cumprimento ás obrigas de transparencia contidas na Lei 19/2013, de 9 de decembro de transparencia, acceso a información pública e bo goberno do Estado.

De conformidade co artigo 8.1.c) da Lei 19/2013, do 9 de decembro, de transparencia, acceso á información pública e bo goberno, as subvencións e axudas públicas concedidas con indicación do seu importe, obxectivo ou finalidade e a entidade beneficiaria serán obxecto de publicación no Portal da Transparencia do Concello de Ribeira <https://ribeira.gal/portal-de-transparencia>

Por ese motivo, a plataforma marketplace www.ribeirastore.com queda suxeita así mesmo a permitir o acceso a información relevante para garantir a transparencia, facilitar o control cidadán da actuación pública e fomentar a participación, previo extracción dos datos relevantes pola administración municipal, para garantir o deber de publicidade activa do Concello de Ribeira cumprindo coas esixencias da Lei 19/2013.

Artigo 14. Información

Poderase obter información adicional a través da web, www.amaribeira.gal

Así mesmo, para cuestións xerais sobre este ou outro procedemento, poderá facerse uso do teléfono de información xeral do Concello de Ribeira 010.



Artigo 15. Habilitación para o desenvolvemento

Facúltase a persoa titular da Concellería de Comercio, para ditar, no ámbito das súas competencias, as instrucións precisas para o desenvolvemento e aplicación destas bases.

Artigo 16. Desactivación temporal de comercios en www.ribeirastore.com

Dadas as exisencias establecidas na presente convocatoria para a adhesión dos comercios e establecementos ao programa Cupóns de Desconto AMARIBEIRA 2022 para uso exclusivo no marketplace www.ribeirastore.com, e por cuestións de índole informática, procederase a desactivar temporalmente a tódolos comercios e establecementos que non dispoñan do TPV virtual existente na plataforma como medio de pago activado.

Esta desactivación será polo período de duración do referido programa, do 14 ao 20 de novembro de 2022, a partir de dito período serán reactivados automaticamente.

Ribeira, a data da sinatura dixital.

O ALCALDE

Manuel Ruiz Rivas



La autenticidad de este documento se puede comprobar con el código 07E6000EC0EB00U3F8S3V5W5Y2 en la Sede Electrónica de la Entidad

FIRMANTE - FECHA

MARIA JOSE SAMPEDRO FERNANDEZ-ALCALDESA EN FUNCIONES - 28/10/2022
serialNumber=S2833002E,CN=Sello de tiempo TS@ - @firma,OU=Secretaría General de Administración Digital,O=Secretaría de Estado de Función Pública,C=ES - 28/10/2022 13:56:34

EXPEDIENTE ::
2022CONV000022

Fecha: 28/10/2022

Hora: 00:00

Und. reg: REGISTRO
GENERAL

CSV: 07E6000EC0EB00U3F8S3V5W5Y2

